



Inatsisartunut ilaasortaq Randi Vestergaard Evaldsen, Demokratit
/-maani

**Tarnip pissusaanut immikkut ilisimasallit pillugit § 37 naapertorlugu
apeqquteqaammut nr. 237-imut akissuteqaat**

01-10-2015
Suliap normua 2015-10317
Takussutissiaq nr. 1243556

Asasara Randi Vestergaard Evaldsen.

Tarnip pissusaanut immikkut ilisimasallit pillugit apeqquteqaatinnut qujanaq. Apeqqutit
ataani akineqarput.

Postboks 1160
Oqarasuaat: 34 50 00
Fax: 34 55 05
3900 Nuuk
Email: pn@nanoq.gl
www.naalakkersuisut.gl

1. "Peqqinnissaqarfiup aqunneqarnera, aaqquussuusaaneq kiisalu peqqinnissamut
tunngasutigit sullissisut aamma tarnip pissusaanik ilisimasallit pillugit
Inatsisartut Inatsisaat nr. 27, 18 novembari 2010-meersoq" naapertorlugu
Naalakkersuisut, takuuk § 3 imm. 2 aamma § 4 Tarnip pissusaanut immikkut
ilisimasallit pillugit malittarisassiorsinnaagaluarput, kalaallit nunaanni
akuersissuteqarneq pillugu inatsimmut taarsiullugu. Naalakkersuisut
taamaattunik malittarisassiornerminni sumummita killippat?

Akissut:

Peqqinnissaqarfiup iluani immikkoortut allat Naalakkersuisut salliutiinnarallarpaat
taamaalillunilu tarnip pissusaanik ilisimasalinnut malittarisassat aalajangersarnissaannut
piginnaatitaaneq suli atorveqarsimangilaq.

2. Kalaallit Nunaanni tarnip pissusaanut immikkut ilisimasallit kalaallit akissarsiaanik
atorfeqarnerannilu atugaannik assigiissarinissaminnut Naalakkersuisut piler-
saaruteqarnerlutik?
 - a. Aappimik akisoqarpat, taava suliap tamatuma naammassinissaa qaqugu naatsor-
suutigineqarpa?
 - b. Naamimik akisoqarpat, eqqarsaatigineqarsinnaanerluni Naalakkersuisut suliag
qaqissagaat eqqarsaatigiumallugu?

Akissut:

Peqqissutsimut Naalakkersuisoqarfik Aningaasaqarnermut Naalakkersuisoqarfimmit
apeqqutit marluk akinissaannut paasisutissanik piniarsimavoq:
Naalakkersuisut pisortani atorfillit tamarmik tarnip pissusaanik ilisimasallit ilanngullugit
akissarsiaasa atorfeqartitaanerannilu pissutsit ingerlaavartumik pitsanngorsarnissaat
kissaatigaat. Tamanna ilaatigut pivoq sulisartut peqatigiiffiinik isumaqatigiinniarnert
isumaqatigissutillu pillugit isumaqatigiinniarsinnaatitaasunik isumaqatiginninniarnert aq-
qutigalugit. Inuiaqatigiinni aningaasaqarnikkut pissutsit eqqarsaatigissagaanni akissar-
siat atorfeqarnermilu pissutsit pitsanngorsarnissaannut isumalluutaasut annikitsuarar-
suupput. Tarnip pissusaanut immikkut ilisimasallit pisortani atorfeqartut Namminersorlu-
tik Oqartussani kommuninilu atorfillit kattuffii Ingeniørforeningen i Danmark, Arkitektfor-
bundet, Gymnasieskolernes Lærereforening aamma Dansk Magisterforening isumaqati-

giinniarnernut kattuffeqatigaat. Isumaqatigiinniarnert isumaqatigiissutillu isumaqatigiinniutigineranni kingullerni sulianut gruppenut allanut isumaqatigiinniarnernut kattuffinnut taarsiullugit tarnip pissusaanik ilisimasallit pisortani atorfillit immikkut salliutinneqarnissaat sulisartut kattuffiisa sulisitsisulluunniit kissaatiginngilaat.

3. Naalackersuisut aamma pilersaaruteqarnerlutik nakorsaanngitsut peqqissaa-sartut pillugit malittarisassiornissaminnut taakku pisussaaffii akisussaaffiilu eqqarsaatigalugit kiisalu napparsimasut pisinnaatitaaffii maalaarnissaminnullu pisinnaatitaaffeqarneri?

Akissut:

Naalackersuisut allatut periaaseqarluni katsorsaasarnernut tunngasunik annertunerusumik naleqqusaanissamik pilersaaruteqanngillat. Ullumikkut allatut periaaseqarluni katsorsaasup napparsisoq kukkulluni katsorsarsimappagu imaluunniit katsorsaasoq ami-gaatilimmik sullissisimappat, pissutsinik naleqqusaasinnaasunik inatsiseqarpoq.

Pinerluttulerinermi inatsimmi § 70 naapertorlugu nakorsaanani nakorsaniartutut eqqartuunneqassaaq pisortat akuersissutaannik peqarani aammalu pissutsit pisariaqartitsisinagit napparsimasunik passussisoq taamaaliornermigullu taakkua peqqissussaannik navialisitsippat.

Tamatuma saniatigut allatut periaaseqarluni katsorsaasartut, namminersorluni inuussutissarsiortutut, namminersorlutik inuussutissarsiortunut inatsit atuuttoq naapertorlugu eqqortumik sullissisussaapput.

Atuisartunut pisisartunullu siunnersuisartoqatigiit, tuniniaasarneq, nalunaaqutsersuisarneq, akit aamma atuisartunut pisisartunullu maalaaruteqartarfittut ataatsimiititaliat pillugit Inatsisartut inatsisaat nr. 10, 13. november 1986-imeersumi kingusinnerusukkut allanguuteqartumi § 26-imi takuneqarsinnaavoq, Kalaallit Nunaanni Atuisartunut pisisartunullu maalaaruteqartarfiup nioqqutissat, sulissunneqarneq kiffartuussissutissallu pillugit atuisartuniit pisisartuniillu maalaarutit suliarisarai.

Inuk privatusoq pineqarmat, namminersorluni inuussutissarsiortumit sullinneqarusuttoq (allatut periaaseqarluni katsorsaasartoq) pisortat peqqinnissaqarfiata pioreersup avataatigut, taava tamanna atuisumut inatsisitigut ajornartorsiutit, Atuisartunut pisisartunullu maalaaruteqartarfiup suliarisinnaasaatut isigisariaqarpoq. Allatut periaaseqarluni katsorsaasarneq naammagittaalliornissamut ataqatigiissumik aaqqissuussamut taamaalilluni ilaavoq.

Kukkusumik katsorsartinneq pillugu taarsiiffigineqarnissaq piunasaqaataappat, pissutsit atuuttut malillugit nalinginnaasumik eqqartuussivinnut suliassanngortitsilluni tunniunneqarsinnaavoq.

Inussiarnersumik inuulluaqqusillunga


Doris Jakobsen